

*Christus
olim in Æ-
gypto cul-
tus.*

tempora nostra Ægyptus mirum in modum *Christiana religione*, multa millia habens Monachorum, multa cœnobîa, & plures ecclesiæ. Unde dixerunt mihi Saraceni, quòd in *sola Babylonia & Cayro* (sunt enim duæ urbes, sed in unam conjunctæ) *plures* quàm *quadraginta* reperiantur *ecclesiæ*. Habet *villas* fermè *infinitas*, & *populum sine numero*. Dominantur hodiè in ea Saraceni. Inter Heliopolim & Babyloniam ostenduntur *loca*, in quibus beata Virgo mansit cum puero Jesu & marito Joseph, quum à facie Herodis fugisset è Judæa, Matth. 11. 14, 15. Est etiam ibi *hortus balsami*, qui irrigatur à *fonte parvo*, uberrimè tamen fluente, in quo ajunt beatam Virginem puerum Jesum lavisse, ob id habetur fons ille in veneratione, nedum à Christianis, verùm & à Saracenis. Modum colligendi balsamum hunc mihi Saraceni ostenderunt. Carpebant folium unum à stipite (adhærent enim folia stipiti) & contra radium solis illud diserpentes, guttam lucidissimam, & supra modum odoriferam elicuerunt: & is est verus liquor balsami: qui in phialas vitreas colligitur, & ad diversas mundi partes mittitur: tametsi rarò sine mixtura ad regiones nostras perveniat. Ajunt etiam, si folium illud contra radium solis non frangeretur, minimè succum illum stillaret. Foderunt proinde Saraceni & *aliu[m] fontem*, quum fons prior non sufficiat ad irrigationem totius horti, ex quo quatuor boves aquam trahunt, quæ sufficere possit ad illius humectationem.

F I N I S.

